

This passage has been written in the present tense. Rewrite it as if it occurred last week.

The passage is taken from 'Dres an Vlydhen: Hager Awel' by Brian Webb

A-varr y'n myttin, Mestres Pollglas a dhifun. Hi a glyw tros koynt yn-mes a'n chi.

'Pyth o henna?' yn-medh hi, ha hi a dreyl ha difuna hy gour. 'Yowann, yma neppyth yn-mes a'n chi, my a glywas neppyth.'

Yowann a rut y dhewlagas ha distowgh yma krakk taran a-ugh hag i a wel lughesenn splann y'n ebron ha klywes gwyns bras.

'Nyns yw saw hager awel,' yn-medh Yowann ha nebes a-wosa i a goedh arta yn kosk.

Nessa myttin, Yowann ha maria a dhifun ha mos war-nans dhe'n gegin. Yma an howl owsplanna ha nyns eus gwyns. Yowann a bareus an Hansel ha Maria a dhe'n daras.

'Yowann,' yn-medh hi, 'henn o gwyns pur grev; ev a hwythas an wydhenn y'n lowarth dhe'n dor ha hwytha dhe-ves rann to an karrji.'

Yowann a dhe weles. 'Re'n jowl,' yn-medh ev. 'Ha meur o an glaw; yma an garth yn-dann dhowr!'

Wosa Hansel, Yowann a lever, 'My a vynn mos yn-mes ha mires orth an damaj.'

'Da lowr,' yn-medh Maria. 'My a vynn golghi an platow ha'n hanafow ha gorra dhe-ves an boes.'

Nebes a-wosa, Yowann a dheu arta y'n chi. Yma Mestres Pollglas y'n esedhva. 'Wel,' yn-medh hi, 'eus meur a dhamaj?'

'Nag eus,' yowann a worthyb. 'An gwyns a hwythas an wydhenn dhe'n dor ha skorenn an wydhenn a goedhas war an karrji – yma toll yn y do lemmyn. Leghenn to an chi a hwythas dres an garth ha terri fenester vyghan y'n krow mogh. Yma skorennow pub le. Nyns yw re dhrog.'

'Wel,' yn-medh Maria, 'my a vynn glanhe an hel ha'n grisow ha ty a yll kempenna an stevell-dhybri. Wosa henna, ni a yll mos yn-mes ha Dalleth arta.'

A-varr y'n myttin, Mestres Pollglas **a dhifunas**. Hi **a glywas** tros koynt yn-mes a'n chi.

'Pyth o henna?' yn-medh hi, ha hi **a dreilyas** ha difuna hy gour. 'Yowann, yma neppyth yn-mes a'n chi, my a glywas neppyth.'

Yowann **a rutyas** y dhewlagas ha distowgh **yth esa** krakk taran a-ugh hag i **a welas** lughesenn splann y'n ebron ha klywes gwyns bras.

'Nyns yw saw hager awel,' yn-medh Yowann ha nebes a-wosa i **a goedhas** arta yn kosk.

Nessa myttin, Yowann ha Maria **a dhifunas** ha mos war-nans dhe'n gegin. **Yth esa** an howl ow splanna ha nyns **esa** gwyns.

Yowann **a bareusas** an Hansel ha Maria **eth** dhe'n daras.

'Yowann, 'yn-medh hi, 'henn o gwyns pur grev; ev a hwythas an wydhenn y'n lowarth dhe'n dor ha hwytha dhe-ves rann to an kartji.'

Yowann **eth** dhe weles. 'Re'n jowl,' yn-medh ev. 'Ha meur o an glaw; yma an garth yn-dann dhowr!'

Wosa Hansel, Yowann **a leveris**, 'My a vynn mos yn-mes ha mires orth an damaj.'

'Da lowr,' yn-medh Maria. 'My a vynn golghi an platow ha'n hanafow ha gorra dhe-ves an boes.'

Nebes a-wosa, Yowann **a dheuth** arta y'n chi. **Yth esa** Mestres Pollglas y'n esedhva. 'Wel,' yn-medh hi, 'eus meur a dhamaj?'

'Nag eus,' Yowann **a worthybis**. 'An gwyns a hwythas an wydhenn dhe'n dor ha skorenn an wydhenn a goedhas war an kartji – yma toll yn y do lemmyn. Leghenn to an chi a hwythas

dres an garth ha terri fenester vyghan y'n krow mogh. Yma skorennow pub le. Nyns yw re dhrog.'

'Wel,' yn-medh Maria, 'my a vynn glanhe an hel ha'n grisryw ha ty a yll kempenna an stevell-dhybri. Wosa henna, ni a yll mos yn-mes ha dalleth arta.'

Note: conversation/direct speech remains in the original tense in which it was spoken.